

世系源流祖宗之事蹟竟茫然
弗知忘其所自者十有三二焉
是皆緣若子若孫不留心於祖
考未克纂修譜牒之故耳不特
以先代之芳徽久而湮沒甚至
以高曾之生平忽略無稽若此

者雖有文章華國富貴顯榮奚
足全人子之道哉凡為舊家巨
族鮮無譜系舊有譜系尤賴修
續代不乏人則先世之源流前
人之懿行雖歷百禩可與日月
同輝永無休息矣余親家蓋由

河南洛陽縣大樹村陳氏與義
公字去非為宋翰林學士叅知
政事有仲子明德公字自新紹
興間以明經授崑山教諭任滿
回金兵所阻不能還里遂卜居
京口而家焉後入籍丹徒迄今

五百餘年相傳二十一世其子
孫尚古風崇禮讓讀者勤業者
謹誠吾潤敦龐之舊族也曩者
啓明老親翁恒念祖宗一脈由
來久遠恐其世系源流易於湮
沒乃篤志深心纂成譜系一帙

存之為歷世家乘翁之次君翼
驥兄克繼父志慮其遺澤後歸
蠹殘亟謀於其叔啓文翁弟聖
嘉各輸已貲重為彙編繡梓告
竣問序於余余忝至臧詳知所
出之由固不敢辭乃率筆就其

事實述其一二書於編首但愧
葑菲之才不足為文序云所可
敬仰者啓明親翁深心纂錄叙
之於前翼驤聖嘉繼志彙編成
之於後可謂是父是子難弟難
兄克全其道也矣况尊祖敬宗

篤親睦族繼先人之舊緒以奉
先靈作後人之模範以裕後昆
將見宗房之疏者相親親者相
愛油然而孝敬生藹然而禮讓
接可令百代之下支派分列子
孫之景仰效式皆尊其祖敬其

宗敦睦遺風亦如今日則有裨
於後人而功垂不朽奚啻燕翼
貽謀之遠大者焉敬序
康熙歲次癸巳仲秋
穀旦

賜進士出身內閣中書

姻弟張鳴皋頓首拜撰

纂修家譜自叙

余家自 自新公始遷京口迄今五百餘
年傳世二十有一舊有譜帙屢遭兵燹散
失無存即此二十一世之中已多不可考
而況由 自新公邇而上之豈能支分派
別使人一覽無遺乎余族本河南陳氏

去非公諱 與義之後 公天資英偉其
出處氣節文章翰墨卓然可稱官太學博
士徽宗見所賦墨梅詩有見晚之歎紹興
中拜翰林學士參知政事所著有簡齋集
行於世 公次子 自新公諱 明德授
崑山教諭任滿因兵阻遂依親故居京口

數百年來欲其源源本本分析靡遺此必
不能之事曩者吾父啟明公慮世遠族
繁分居各業親者由漸為疎近者由漸為
遠將來不至等於途人相視而不相知者
不止欲修明譜系一以慰先祖之靈一
以聯族人之誼乃吾父有志未竟今踵

十八世孫鴻誌百拜謹叙

二十三世孫世俊薰沐補書

重修族譜自序

萬物本乎天，人本乎祖。祖不可無所依也，建之祠以妥先靈，祖不可無所稽也，設之譜以明次序。次序明則祖宗之世系於是考，德業於是載，生卒於是誌，子孫於是詳。余家本世居河南洛陽縣，宋紹興間，始祖自新公以明經任崑山縣教諭，秩滿欲歸，爲金兵所阻，遂寓京口。二世祖于王公卜宅于秋橋畔，因入籍丹徒。稽譜所載，迄今六百餘年，相傳二十三世矣。自十七世祖啟明公創纂後，又歷百年，其間盛衰無定，絕續不同，族姓愈繁。

子孫散處竟莫知其祖之所自出也詎非遺恨歟
且夫族之有譜猶國之有史也史例有紀表書世
家列傳之不同編年紀月所以資考鏡也族譜亦
以昭信紀實使子孫不忘所自耳苟歷久而聽其
遺佚散亡則後先紊亂祖之世系何由而考事蹟
闕畧祖之德業何由而載族中殯葬之無力者本
主不備祖之生卒何由而誌子弟智愚賢不肖錯
出不齊遷徙靡定祖之子孫何由而詳嗚乎年湮
代遠闕而莫傳徒使祖宗抱恨於九原皆後世子
孫責也 先大父厚懷公篤本重親有志未竟

先君錦堂公編輯將成而病日劇彌留之際猶惓
惓於此勳供職農曹奉諱還里不敢於先人之
志有加焉惟以紹述前徽仰承遺訓使後之子孫
知木之枝葉雖繁而皆根於一本水之支流有別
而同出於一源禮曰敬宗收族尊祖之道也尊祖
故敬宗敬宗故收族庶幾上以慰祖考之靈下
以啟奕禩之傳云爾爰製爲序

嘉慶二十一年丙子仲秋

穀旦

二十一世孫書勳百拜謹識

續修陳氏宗譜序

陳氏譜系淵源前序言之詳矣遷潤之祖自自新
公始茲譜之所奉爲鼻祖也第觀古來閭閻名門
輝光赫奕或數世而湮沒不彰又數世而斬然中
絕縱有旁支遠系邇其先代率皆影響模糊疑似
參半其能承先啟後歷四朝而一脈如指掌如列
眉者蓋亦鮮矣余檢閱陳氏舊譜竊歎忠義節孝
固不乏人而瓜綿椒衍之繁尤源源不竭其間雖
有斷港絕潢終無傷於朝宗之流派於以知其祖
先之積累深而遺澤長也夫積累之德在人耳目

問者其德猶淺陳氏賢哲代生類多隱德不必指
其一端一節而愈見其遠且大矣嗟夫勸修家譜
者每道前人光顯以爲榮而又擗摺已往竊附其
末以爲幸乃陳氏之譜固不待邀寵於前亦未嘗
希光於後今且簪纓濟美科第聯綿研田逢年書
香壽世此閭閻名門之旣昌旣熾是豈影響模糊
者所可同年語哉余與陳氏有重姻之誼而又與
莘園親家交契最深故知之亦最詳書來囑序於
余不獲以不文辭謹就遷潤之譜以述其宗族所
由來而又嘉莘園舊志承修之雅意爰弁數語於

簡端

道光十年庚寅仲秋既望序於浙江督學官署
賜進士出身

誥授資政大夫工部左侍郎提督浙江全省學政前翰林院侍讀學士太僕寺卿宗人府府丞都察院左副都御史加五級隨帶加二級

臨川姻愚弟李宗瀚頓首拜撰

續修族譜自序

先世由河南遷潤歷宋元明以及
國朝垂七百年矣康熙間曾祖聖嘉公暨曾伯
祖翼驤公克紹前徽纂成譜牒俾知源流一脈派
衍支分然博考旁稽洵非易易其時並於南城之
麓購得前明馬侯故宅改建宗祠方議倡捐用充
祭產惜乎旋成旋廢未及畢乃事功忽忽百餘年
來往者過矣來者續矣興衰榮悴心力難齊而族
廣丁繁較昔又增數倍曩在符離官署叔祖厚
懷公叔父錦堂公每以家乘多年失修宗祠未

復爲念命余與墨樵弟同司修譜之役聯會照家
藏原本手錄一函惟中間脫簡尙多未克詳加訂
正後因幕遊嶺表不獲身任其勞嘉慶丙子秋墨
樵銜郵家居卽就聯之所編互相參校付諸梨棗
而各分生卒配葬以及續增下口仍須諮訪刊登
旋以出守西川未遑卒業及道光戊子假還省墓
乃舉譜藁全帙授余曰此吾與兄之責也前經修
刻雖有規模但距今又隔十有餘年必得將掛漏
者概行補入並云此舉已囑蓉舟弟出貲以助劖
劖如或不果我自任之詎知未及兩載而墨樵竟

卒於官鳴庠墨樵尊祖敬宗之志卽踵承乃祖乃
父未行之志也假使享大年遷顯秩方且發揚先
德以爲宗族光若修譜建祠又其力所優爲者耳
倘有能如墨樵以繼述存心歷久彌篤者實爲家
庭之肖子祖考之功臣至興復宗祠募捐祭產聊
以俟諸同志可耳余於編纂之暇附序於後
大清道光十二年歲次壬辰三月 穀旦

二十一世孫宗聯百拜謹識